



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-302-7/22**
Datum: **27.01.2023. god**

«Agencija za vodno područje rijeke Save» Sarajevo rješavajući po zahtjevu pravnog lica JP «KOMUNALNO» d.o.o. Breza za donošenje rješenja o vodnoj dozvoli za zahvatanje vode sa izvorišta „Milkino vrelo“, na osnovu člana 121. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) donosi

ZAKLJUČAK

Odbacuje se zahtjev pravnog lica JP «KOMUNALNO» d.o.o. Breza za donošenje Rješenja o vodnoj dozvoli za zahvatanje vode sa izvorišta „Milkino vrelo“, zbog nepotpunosti dokumentacije i smatra se kao da nije ni podnesen.

Obrazloženje

Pravno lice JP «KOMUNALNO» d.o.o. Breza obratilo se ovoj Agenciji sa zahtjevom izdavanje vodne dozvole, zaprimljenim 15.06.2022., za zahvatanje vode sa izvorišta „Milkino vrelo“.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-302-2/22 od 22.06.2022., zatražena dopuna dokumentacije neophodne za vođenje upravnog postupka od strane ove Agencije. Podnosilac zahtjeva je dopunio traženu dokumentaciju u propisanom roku.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli broj: UP-I/21-3-40-221-5/20 od 23.07.2020., dopisom broj: UP-1/21-3-40-302-4/22 od 22.08.2022. godine, u skladu sa članom 121. stav (3) Zakona o vodama, od podnosioca zahtjeva je zatražen dokaz o izmirenim obavezama plaćanja posebnih vodnih naknada. Podnosilac zahtjeva je uputio Molbu za produženje roka za dostavljanje dokaza o izmirenim obavezama plaćanja posebnih vodnih naknada broj: 01-2500/22 od 08.09.2022., zaprimljenu dana 12.09.2022. Cijeneći razloge navedene u Molbi, Dopisom broj: UP-1/21-3-40-302-6/22 od 30.09.2022. godine odobren je novi (krajnji) rok za dostavu tražene dokumentacije.

Kako podnosioc zahtjeva nije dopunio svoj zahtjev do ostavljenog roka, kao ni do dana donošenja ovog Zaključka, to je u skladu sa članom 121. stav (3) Zakona o vodama i člana 218. stav (2) Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Rukovodilac sektora za izdavanje vodnih akata

Po ovlaštenju

Haris Ališehović, dipl.ing.građ.

Dostaviti:

- JP «KOMUNALNO» d.o.o.
Ul. ZAVNOBiH-a br. 6, 71370 Breza
- AVP Sava, ISV – vodna knjiga
- Sektor 40 – arhiva
- Oglasna ploča – AVP Sava